

BAOFISIRI BA KHAOSTOM BA THIBETŠE DIIOKOBATŠI TŠA BOLENG BJA R12 MILLION KA ORTIA

Pretoria, Labohlano, 14 June 2019 – Baofisiri ba Khastom bekeng ye ba thibetše diokobatiši tša boleng bja go lekana R12 million go ditiragalo tše tharo tša go arogana ka Boemafofane bja Dišhabatšhaba bja Oliver Tambo (ORTIA).

Ka Laboraro, 12 June 2019, Baofisiri ba Khastom ba thibetše mosepedi wa monna yo a lekilego go kwefa 3 kg ya heroin, ya boleng bja R9,2 million, ka ntle ga naga.

Monamedi o ile a emišwa gomme a botšišwa ke baofisiri ba Khastom ka ge a be a yo namela sefofane sa go ya Yuropa. O ile a kgopelwa gore a ba šale morago lefelong leo le bego le beakanyeditšwe fao a ilego a kgopelwa go bula merwalo ya gagwe, yeo e bego e lekotšwe gape e utullotšwe. Ka lefelong la ka Khastom merwalo ya gagwe e be e sekenilwe gape e phuruphuditšwe kudu ka maatla.

Sehlopha sa Khastom se hweditše dilo tša go utwa ka gare ga mekotlana ya boforetši, yeo e ilego ya laetša diteko tše phosethifi tša heroin. O ile a golegwa ke maloko a Ditirelo tša Maphodisa tša Afrika Borwa (CAS 106/06/2019).

Mo tiragalong enngwe, baofisiri ba Khastom, ba ile ba swara thoto yeo e fihlilego ka Johannesburg go tšwa Lagos ka 13 June, morago ga ge ba hweditše tshedimošo go tšwa go kgoro ya tša Bohlale bja Bosenyi ya Ditirelo tša Maphodisa tša Afrika Borwa (SAPS).

Ka nako ya tlhahlobo, ka thušo ya dimpša tša didupe, mekotlana ye mene e ile ya kolekwa yeo e bego e swere 4 kg ya ephedrine (crystal meth) ya tekanyetšo ya boleng bja mebileng ya R2,2 million. Mapakana a ile a romelwa go maloko a SAPS' Directorate of Priority Crime Investigations (Hawks).

Phasela ya ephedrine ya boleng bja R630 000 e ile ya hwetšwa ka Mail Centre ka ORTIA. Phasela, ya kimelo ya 2,8 kg, e tlo romelwa go Maphodisa bakeng sa dinyakišišo tša go iša pele.

SARS e kgonne go phethagatša ditšwelelo ka maiteko a tirišanommogo le yuniti ya Ditsebi tša Bohlale bja Bosenyi ya Ditirelo tša Maphodisa tša Afrika Borwa le dikgoro tše dingwe tša go šomišana.